

**Poslanica u Predstavničkom domu  
Parlamentarne skupštine Bosne i Hercegovine**

PARLAMENTARNA SKUPŠTINA BOSNE I HERCEGOVINE  
SARAJEVO  
20.06.2022

Organizaciona jedinica	Klasifikaciona oznaka	Redni broj	Broj priloga
01	So	1-967	22

Sarajevo, 20.6. 2022. godine

**PARLAMENTARNA SKUPŠTINA BOSNE I HERCEGOVINE  
PREDSTAVNIČKI DOM**

**PREDMET: Poslanička inicijativa**

U skladu sa članom 8. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15 i 97/15), podnosim poslaničku

**INICIJATIVU**

kojom se zadužuje Vijeće ministara Bosne i Hercegovine da pripremi nacrt Zakona o moru i dostavi Parlamentarnoj Skupštini Bosne i Hercegovine na usvajanje.

**O b r a z l o ž e n j e**

Obzirom da BiH nema Zakon o moru potrebno je ovim zakonom urediti morski i podmorski prostor Bosne i Hercegovine, i to: unutrašnje morske vode, teritorijalno more, isključivu ekonomsku zonu, epikontinentalni pojas, zabranu uplovljenja i zaustavljanje broda.

Suverenitet na moru prostire se na unutrašnje morske vode, teritorijalno more, vazdušni prostor iznad njega, na dno i podmorje tog mora.

Zakon treba definirati ostvarivanje suverenih prava Bosne i Hercegovine i jurisdikciju radi istraživanja, iskorišćavanja, zaštite, očuvanja i unapređenja prirodnih morskih bogatstava, uključujući bogatstva na morskom dnu i u morskom podmorju i radi obavljanja drugih privrednih djelatnosti.

Zakon će definirati saradnju sa državama u regionu i regionalnim i svjetskim međunarodnim organizacijama radi utvrđivanja opštih i regionalnih pravila, mjera preporučene prakse i postupaka u cilju sprječavanja i smanjenja zagađenja mora i

morske sredine zagadivačima iz izvora na kopnu, s brodova, potapanjem, iz vazduha ili vazduhom i zagadenja prouzrokovanih aktivnostima na morskome dnu i u morskome podmorju.

**POSLANIK**  
**Dr Edita Đapo**

